



ZARAUZKO UDALA

ZARAZKO UDALAREN DIRU-LAGUNTZEN PLAN ESTRATEGIKOA 2020

HITZAURREA

Azaroaren 17ko 38/2003 Lege Orokorrak, diru-laguntzei buruzkoak, 8. artikuluan ezartzen du herri administrazioek DIRU-LAGUNTZEN PLAN ESTRATEGIKO batean zehaztu beharko dituztela hura aplikatzean lortu nahi dituzten helburuak eta ondorioak, horiek lortzeko behar izango duten epea, aurreikusitako kostuak eta horien finantza bideak; betiere, aurrekontu egonkortasunaren helburuak betetzearen baldintzapean.

Era berean, lege horren azken xedapenetako lehenengoak ezartzen du aipatutako artikulua oinarritzkoa dela eta herri administrazio guztiek aplikatu behar dutela.

Beste alde batetik, esandako Lege horren hamahirugarren xedapen gehigarriak ezartzen du arauzko lege arauetan aurreikusitako herri politikei dagozkien Plan eta Egitarauak diru-laguntzen plan estrategikotzat hartuko direla.

Azaroaren 17ko 38/2003 Lege Orokorrak, diru-laguntzei buruzkoak, hamazazpigarren xedapen gehigarrian esaten du kontu-hartzaitzari dagokiola plan estrategikoen aplikaziotik ondorioztatutako emaitzak kontrolatzea eta ebaluatzea.

Azkenik, uztailaren 21eko 887/2006 Errege Dekretuaren III kapituluko, 1. atalak, plan estrategikoen printzipioak, eremua, edukia, onartzeko-kompetentzia eta jarraipena arautzen ditu 10 artikuluan eta hurrengoetan; baita beren ez betetzeak izan ditzaketen ondorioak ere.

Arauzko eta legezko agindu hau bete ahal izateko Zarauzko Udalak diru-laguntzen plan estrategikoa onartzen du, eta ondorioz jarraian datozen artikuluek.

I. KAPITULUA

XEDAPEN OROKORRAK

1. artikulua.

Zarauzko Udalak denboraldian zehar emango dituen diru-laguntzak ondorengo araudia beteko dute: diru-laguntzei buruzko Lege Orokorra, bere araudia, diru-laguntzen emakida arautzen duen udal ordenantza, ondorengo plan estrategikoa, sinatu ahal diren tokian tokiko hitzarmenak eta diru-laguntzen urteroko deialdietako oinarriak.

2. artikulua.

Diru-laguntzak emateko, aldeztu aurretik urte bakoitzeko aurrekontuetan banatu beharreko diru-kopuruak aurreikusita egotea eta deialdia, diru-laguntzak ematea arautzen duten oinarriekin batera, onartzea eskatzen du.

3. artikulua.

Diru-laguntzak emango ditu baldin eta aurrekontu egonkortasuneko helburuak betetzen baditu; hortaz, onartzen dituen aurrekontu kopuruak eta diru-laguntzak ematea arautzen duten oinarri arauak uneoro egokituko zaizkie helburu horiei.

4. artikulua.

Diru-laguntzen Plan Estrategiko hau onartzeak ez du esan nahi eskubideren bat sortzen dela onuradun izan daitezkeen alde, izan ere, horiek ezingo dute eskatu kalte-ordainik edo ordainik, Udalak Plana praktikan jartzen ez badu bere horretan.

5. artikulua.

Plan honen printzipio orokorrak honako hauek dira:

Publizitatea eta lehiakortasun askea aurrez egindako deialdi bidez. Bertan, objektibitatea, gardentasuna, publizitatea, lehiakortasuna eta fondo publikoen banaketan berdintasuna bermatu beharko dira, hori guztiori, emakida zuzenean emateko aukera alde batera utzi gabe. Emakida zuzenak, aplikatu dakioken arauan ezarritakoaren arabera, aurrez dagokion aurrekontu kontsignazioa izan beharko du.

- Aurrez deialdian ezarritako irizpide objektiboen arabera egingo da emakida, onuradun izan daitezkeenak irizpide horiek aurrez ezagutzen dituztela bermatzeko.
- Eraginkortasuna jarritako helburuak betetzerakoan eta efizientzia baliabide publikoak esleitzerakoan, kantitatearen eta kalitatearen aldetik justifikatu beharko delarik.
- Diru-laguntza eskatzen duten erakundeen helburuak diruz lagundutako jardueretan berdintasunaren eta diskriminaziorik ezaren printzipioetara egokitzen direla kontrolatzea eta aztertzea.
- Eta, berariaz, Plan Estrategikoaren egokitasuna uneoro egiaztatzea. Hau da:
- Plana termino sozialetan justifikatzea.
- Planak kontuan hartzen dituen herritarren beharrak.
- Finantza gaitasuna.
- Arlo horretako udal eskumena azaltzea.

6. artikulua.

Diru-laguntza programak aurrekontu zuzkidura egokia eta behar bestekoa egotearen menpe daude.

Diru-laguntzak edo emakida zuzenak (hitzarmenak) eman aurretik, gastua onartu beharko da Zarauzko Udaleko aurrekontu arauetan aurreikusitako moduan.

Diru-laguntzak eman aurretik, emakida arautzen dituzten arauak edo oinarriak onartu beharko dira.

7. artikulua.

Plan honetan eta haren eranskinetan zerrendatuta datoz Zarauzko Udalak kudeatu beharreko diru-laguntzen lerro edo programa guztiak.

Diru-laguntza lerro edo programa bakoitzean hauek zehazten dira:

- Programaren deskribapena
- Gaia
- Lortu nahi diren helburuak
- Emakida mota(Konkurrentzia, hitzarmena,...)
- Aurreikusitako kostuak
- Finantziazioa

8. artikulua.

Diru-laguntzak ematen dituzten udal departamentu beste eranskin ditu Plan honek.

9. artikulua.

Finantziazioa Udalaren funts propioen bidez egingo da, Udalaren aurrekontuko laugarren eta zazpigarren kapituluetan zordunduta, baina laguntza ekonomikoa eskatu ahal izango zaie beste erakundeei, diru-laguntza ildo honekin zerikusia duten jarduerak egiteko argitaratzen dituen diru-laguntzetarako deialdien barruan.

II. KAPITULUA

DIRU-LAGUNTZEN ONURADUNAK ETA GAIAK

10. artikulua.

Zarauzko Udalak diru-laguntzak emango dizkie pertsoneri, elkarteei edo entitate pribatuei, batetik, onura publikoko edo interes sozialeko jarduerak egitea bultzatze aldera, eta bestetik, udal eskumeneko helburu publikoak lortzea sustatze aldera.

11. artikulua.

Zarauzko Udalak diru-laguntzak emango ditu urtero, hainbat udal diru-laguntza lerrotan, ondorengo eskumen arloetan: kultura; euskara zerbitzuak; hezkuntza; udaltzaingoa; gazteria; gizarte zerbitzuak; herrilan, azpiegitura eta zerbitzuak; hirigintza, plangintza eta ingurumena; agenda 21; kirolak; turismoa eta alkatetza.

III. KAPITULUA

DIRUZ LAGUNDUTAKO PROGRAMEN ERAGINKORTASUNAREN AZTERKETA. EMAITZEN AZTERKETA

12. artikulua.

Diru-laguntza bakoitzaren eraginkortasuna hobeto aztertzeko, diru-laguntzak ematen dituzten departamentuek txosten arrazoitua eskatuko diete diru-laguntzak jasotzen dituztenei. Egindako ekintza kopurua eta diru-laguntzak zenbat herritarrengan izan duen eragina jaso beharko dira batetik, eta, bestetik, lortutako helburuak justifikatu beharko dira txosten horretan.

13. artikulua.

Zehazki, ebaluatu ahal izateko honako hauek zehaztu beharko dira:

- Helburua.
- Diru-laguntza jasotzen duen erakundea, eta hala bada, erakunde laguntzailea.
- Diru-laguntzaren zenbatekoa.
- Diru-laguntzarekin egindako ekintza zehatzak.
- Diruz lagundutako ekintzak zenbat herritarrengan izan duen eragina.
- Diruz lagundutako ekintzen edo programen diru - sarrera / gastu - irteera zerrendatua eta dagokien faktura edo justifikanteak.
- Diru-laguntza ematen duen departamentuaren balorazioa, laguntza eman zenean lortu nahi ziren helburuekiko egokitasunari buruz eta dagokion programarekin jarraitzearen edo kentzearen bidez kotasunari buruz.

IV. KAPITULUA

DIRUZ LAGUNDUTAKO PROGRAMEN KONTROLA

14. artikulua.

Alkateak kontrolatuko du plan hau betetzen dela berau indarrean dagoen bitartean.

Planaren indarraldia amaituta, eta berria egin aurretik, Alkateak txostena aurkeztu beharko du Zuzendaritza Taldean. Bertan, gutxienez, honakoak jaso beharko dira: Planaren betetze maila, lortu nahi ziren helburu eta eraginetan diru-laguntzek izan duten eraginkortasuna eta efizientzia eta ondorioak, eta, horrekin batera, hurrengo Diru-Laguntzen Plan Estrategikoa egiteko iradokizunak.

Aipatutako Plan Estrategikoaren aplikazioak eragindako emaitzen kontrola eta ebaluazioa udal kontu-hartzaileak egingo du.

Aurrekoaren kalterik gabe, dirulaguntzak izapidetzeaz ardura duten administrazio unitateetako arduradunek, txosten bidez, espedientean jasota utziko dute garapen edo izapide fase desberdinetan udal akordioak hartzeko legez eskatu daitezkeen betebeharrak bete direla

(eskabideak onartzea, horiek baloratzea, emateko proposamena egitea eta laguntzen bukaerako justifikazioa eta kitapena).